

詩  
經  
原  
始

詩經原始卷之五目錄

國風

五

王

十首

黍離

閔宗周也

君子于役

婦人思夫遠行無定也

君子陽陽

賢者自樂仕於伶官也

揚之水

戍卒怨也

中谷有蓷

閔嫠婦也

兔爰

傷亂始也

芄藭

民窮無所依也

采芣

懷友也

大車 征夫歎也

丘中有麻 招賢偕隱也

鄭二十一首

緇衣 美鄭武公好賢也

將仲子 諷世以禮自持也

叔于田 刺莊公縱弟田獵自喜也

大叔于田 刺莊公縱弟恃勇而勝衆也

清人 刺鄭文公棄其師也

羔裘 美鄭大夫也

遵大路 挽君子勿遽行也

女曰鷦鷯 賢婦譽夫以成德也

有女同車 諷鄭太子忽以昏齊也

山有扶蘇 刺世美非所美也

鄰兮 諷朝臣共扶危也

狡童 憂君爲羣小所弄也

褰裳 思見正於益友也

丰 悔仕進不以禮也

東門之墀 有所思而未得見也

風雨 懷友也

子衿 傷學校廢也

揚之水 闕疑

出其東門 不慕非禮色也

野有蔓草 朋友相期會也

溱洧 刺淫也

詩經原始卷之五

寶甯方玉潤鴻濩氏撰

國風

王

集傳王謂周東都洛邑王城畿內六百里之地在禹貢  
 州大華外方之閒北得河陽漸冀州之南也周室之初文  
 王居豐武王居鎬至成王周公始營洛邑為時會諸侯之  
 所以其土中四方來者道里均故也自是謂豐鎬為西都  
 洛邑為東都至幽王變褒姒生伯服廢申后及太子宜臼  
 宜臼奔申申侯怒與犬戎攻宗周執幽王於戲晉文侯鄭  
 武公迎申與諸侯無異故其詩不為雅而為風然其工號  
 王室遠卑與諸侯無異故其詩不為雅而為風然其工號  
 未替也故不曰周而曰王城其陰桓曰此乃歷來相傳  
 說也孔子曰雅頌各得其所大雅之所得則風之所亦得  
 風雅自有定憲其體風即余之風其體雅即余之雅非以  
 子室卑之故不為雅而為風也案風雅頌本以詩體分不  
 以時勢別其體頌雖於侯風亦有頌其體風雖周王城亦  
 為風豈以時勢之盛衰國家之強弱分風雅頌耶風雅頌

三章只換六字而  
一往情深低徊無  
限此可以攝舉座  
神思且也易於中  
地附也唐人劉汝  
詳評漢古詩法  
各聚其古則

讀凡不辨何以言詩況兼意深尤為難識無怪其多謬  
誤也然則王何以不列於二南之後而序於三衛之末三  
衛者殷故都也首之見變風所由始王城者周東轅也次  
之藏王政所由衰是二者皆變風之首而世道之升降亦  
焉寓

### 黍離 閔宗周也

彼黍離離彼稷之苗行邁靡靡中心搖搖我者謂我心憂不知  
我者謂我何求悠悠蒼天此何人哉一彼黍離離彼稷之穗行邁  
靡靡中心如醉知我者謂我心憂不知我者謂我何求悠悠蒼天  
此何人哉二彼黍離離彼稷之實行邁靡靡中心如噎知我者謂  
我心憂不知我者謂我何求悠悠蒼天此何人哉三

右黍離三章章十句小序曰閔宗周也大序謂周大夫行役至  
於宗周過故宗廟宮室盡為禾黍閔周室之顛覆傍徨不忍去

是爲得之而姚氏猶以爲偶中未免失之過刻也及韓詩云黍  
離伯封作則又怪誕無稽不可從惟是周轍既東無復西幸文  
武成康之舊一旦灰燼蕩然無存有心斯世者所爲目擊心傷  
不能無慨於其際焉特無如當時之君臣苟且偷安罔思自奮  
以王室之尊下等侯服甘心而不顧者何哉朱氏善曰周之王  
業公劉開拓之於豳太王創造之於岐文王光大之於豐武王  
成就之於鎬皆在西都八百里之內其土地則先王之土地其  
人民則先王之人民也爲子孫者正當守之而不去今乃舉舊  
都棄之而卽安於東行役之大夫旣已見而憂之且追怨之豈  
容付之無可奈何而已耶訓宜請於平王號令諸侯整師輯旅  
光復舊物諸侯見王之有志孰不奔走而服從當是時晉之義



和鄭之振突既皆王室之舊勲齊藉太公之故基魯承周公之  
遠烈術憑康叔之威靈亦皆足以左右王室而王自棄之為之  
臣者又寂無一人以為言喧周轍之不西有由矣夫此又以恢  
復事責之行役大夫持論未嘗不正然當時情事則必有難言  
焉者故不得已而形諸歌咏以寄其懷愴無已之心觀其呼天  
上訴一咏不已再三反覆而咏嘆之則其情亦可見矣詎得以  
千載下人追究千載上事而得其實在情形哉

**黍**

集傳曰黍穀名苗似蘆而大餘總黑色實圓重殼氏案

草唐本注云黍似粟而非粟也黃氏一正曰黍離黍稷也  
有丹白黃黑四色粒多而黏穀之可為酒者也離離黍稷  
穀也一名黍似黍而小或進行靡靡遲也穗也噍孔氏謂連日  
曰粟也爾雅曰黍稷也

之貌言  
憂深也

勞晚懷人真情道  
持此為如畫新傳  
田字語語恐無此  
取宜自然

二攝同本韻 憂九十一 求同本韻 天一先叶反人頁十一

通韻 穗四醉同本韻 寶四曉九通韻

君子于役 婦人思夫遠行無定也

君子于役。不知其期。曷至哉。雞棲于埘。日之夕矣。羊牛下來。君子于役。如之何勿思。章一君子于役。不日不月。曷其有佖。雞棲于桀。日之夕矣。牛羊下括。君子于役。苟無飢渴。章二

右君子于役二章章八句小序謂刺平王偽說以為戍申者之妻作皆鑒也詩到真極美無故實亦自可傳使三百詩人篇篇皆懷諷刺則於忠厚之旨何在於陶情淑性之意又何存此詩言情為景可謂真實樸至宜聖雖欲刪之亦有所不忍也又況夫婦遠離懷思不已用情而得其正即詩之所為教又何必定

求其人以實之而後謂有關係作哉

**集傳**

集傳繫詩而樓曰詩第此項曰今寒鄉估會集枝也爾

於七為樓等氏  
述曰七樓也

**標韻**

期四時同

本韻

來十思

四通韻

月六榮

肩括

七渴同

轉韻

君子陽陽 賓者自樂仕於伶官也

君子陽陽左執篲右招我由房其樂只且且一君子陶陶左執翿右

招我由敖其樂只且且二

右君子陽陽二章章四句姚氏際恒曰大序謂君子遭亂相招

為祿仕此据招之一字為說臆測也集傳謂疑亦前篇婦人所

作此据房之一字為說更鄙而稚大抵樂必用詩故作樂者亦

作詩以摹寫之然其人其事不可考矣此種詩亦可無俟深考  
蓋三代賢人君子多隱仕於伶官以其得節禮樂可以陶情淑  
性而收和樂之功故或處一房之中或侍遊遊之際無不揚揚  
自得陶陶斯詠有以自樂其樂而何害其為賢也耶然為國而  
使賢人君子樂處下位不欲居尊以任事則其時勢亦可知知  
此詩之所以存而不削歟

**集韻**

羅氏樂曰簣笙之舌也陳氏唱曰樂記云絃宛笙簣

只

且

語助辭

陶陶和樂之義翻釋言云翺翺也孫炎教遊也

同遊

**韻**

陽

陽

簣房

同本韻

陶

同

教

同本韻

且

六

二句自為

韻

揚之水

戍卒怨也

揚之水不流束薪。彼其之子不與我戍申。懷哉懷哉。曷月予還歸哉。  
章一揚之水不流束楚。彼其之子不與我戍甫。懷哉懷哉。曷月予還歸哉。  
章二揚之水不流束蒲。彼其之子不與我戍許。懷哉懷哉。曷月予還歸哉。  
章三

右揚之水三章。章六句。經文明明言戍申戍甫戍許而序偏云戍于母家。致啓集傳忘警逆理之論。是皆未嘗卽當日形勢而一思之耳。夫周轍旣東。楚實強盛。京洛形勢左據。成舉右控。崤函背枕。黃河面俯。高高則中甫許實爲南服屏蔽。而三國又非楚敵。不得不戍重兵以相保守。然後東都可以立國。觀於三國吳魏相持。兩家重鎮必屯襄樊。則往事可知。平王此時不申甫許。之是戍而何戍耶。其所以致民怨嗟。見諸歌咏而不已者。以

徵調不均瓜代又難必耳夫徵調不均則勞逸異勢瓜代難必  
則生聚無期不惟小民怨咨亦足見秉國者之措置乖方籌謀  
未善若宗周形勝則豈慮是哉此東都之不再振而西轍之難  
歸者有由然矣若沾沾謂其篤於母家致令久戍不歸則何異  
小兒夢噬不識時務之甚吾恐平王君臣竊相笑於地下也

**揚**

悠揚也水緩流之貌

彼其之子

宋姚氏際恒曰鄭氏謂處鄉里者

可通集傳謂指

戍屯兵以

申

梁氏益曰申伯爵初為侯平王母

室家則謬矣

守也

申

申姜國楚靈王還之今信陽之方

城內也

信陽軍

汝南府

並隸河南

荆而荆州亦甫

集傳甫

即呂也

亦姜姓書呂刑禮記作甫刑而

以此水得名

孔氏

以為呂侯

後為甫侯是也至氏應麟曰史

記呂尚先

志故呂城

在鄧州

南陽縣

西四十里呂氏春秋曰在宛縣西

蒲

嚴氏

祭曰毛

以為草

鄭以為蒲柳皆通下集傳許國名亦美

蒲

宋蒲

草見陳

澤陂

蒲柳見陳東門之楊言姓今鎮昌府許昌

王

王

王

王

王

王

三十六卷之三

縣是也皇興表潁昌府許  
昌縣今開封許州隸河南

**源** **薪** 十一 **申** 同 **本韻** 懷九歸五轉韻 **楚** 六甫七通韻

蒲 七虞叶 許 六叶韻

中谷有推 閔嫠婦也

中谷有推。嘖其乾矣。有女叱離。嘖其嘖矣。嘖其嘖矣。遇人之艱難  
矣。中谷有推。嘖其脩矣。有女叱離。條其歡矣。條其歡矣。遇人之  
不淑矣。中谷有推。嘖其濕矣。有女叱離。嘖其泣矣。嘖其泣矣。何  
嗟及矣。

右中谷有推三章章六句大序謂凶年饑饉室家相棄集傳因  
之近是惟小序謂為閔周未免小題大作夫一夫不獲時予之  
辜固王者之所以為心而荒政不講以致小民流離失所尤為

東周大病然遽以此為閨周則周之可閨者正多也集傳又謂  
婦人覽物起興而自述其悲歎之詞閨閣嫺吟咏固自有人而  
此云有女者則非其自咏可知矣杜詩此類甚多何必定指為  
自作聖人刪詩至此存之以見王政之惡人民之困至於此極  
則其無以為國之故亦大可悲張子云凡天下疲癯殘疾惻獨  
既寡皆吾兄弟之顛連而無告者也世之讀中谷有雅而無以  
動其悲憫之懷者吾亦末如之何也已矣

**集傳**

**雅** 孔氏穎達曰釋草云在雅郭璞曰今莠藎也陸璣疏云  
舊說及魏博士周元明皆云菴間是也韓詩及三蒼說

悉云益母案本**暎** 孔氏穎達曰易曰燥 比 別也流離 集傳 脩  
草益母莠藎也 暎 為物者莫曉乎火 失所之狀 脩 長也或

曰乾 敝 賦口 不淑 集傳 古者死喪饑饉皆曰不淑 魏氏然恒口  
也 出聲 先言艱難夫貧也再言不淑夫死也禮問死

何如曰 暎 集傳 暎 暎者早也則草 啜 位  
不淑 之生於暎者亦不免也 數



**乾**

十四

噴難同本韻

脩十一尤叶

獻十八

限一叶韻

濕十四

泣及同本韻

免爰 傷亂始也

此處係衍字情微  
以步兵為學此

有免爰爰雉離于羅我生之初尚無為我生之後逢此百罹尚寐  
無咎章一有免爰爰雉離于罟我生之初尚無造我生之後逢此百  
憂尚寐無覺章二有免爰爰雉離于罟我生之初尚無庸我生之後  
逢此百凶尚寐無聰章三

右免爰三章章七句序謂桓王失信諸侯背叛搆怨連禍王師  
傷敗君子不樂其生集傳述謂庶幾寐而不動以死耳夫逢時  
多難縱欲無生何至求死所謂無咎無覺無聰者亦不過不欲  
言不欲見不欲聞已耳天下洶洶時事日非上則諸侯背叛射

王中肩君臣之義滅矣下則室家相棄有女化離夫婦之情乖  
矣中則謂他人昆亦莫我聞兄弟之親又遠矣其始蓋由於申  
甫是戍忘營黨惡君無父子之恩民亦鮮倫常之義以致賢者  
退處下位不欲居高以聽政小人幸逃法網反得肆志而橫行  
於是狡者脫而介者烹奸者生而良者死所謂百凶並見百憂  
俱集時也詩人不幸遭此亂離不能不回憶生初猶及見西京  
盛世法制雖衰紀綱未壞其時尚幸無事也迨東都既遷而後  
桓文繼起霸業頻興而王綱愈墜天下乃從此多故彼蒼夢夢  
有如聾聵人又何言不惟無言且並不欲耳聞而目見之故不  
如長睡不醒之爲愈耳迨至長睡不醒一無聞見而思愈苦古  
之傷心人能無爲我同聲一痛哭哉此詩意也何至如集傳云

但求死耶

**爰爰**

集傳曰兔性陰狡爰爰緩意孔氏雉性耿介離也

**羅**

也吡氏震曰古注吡動也蓋動則憂寐則不知故欲無

或此即此吡方府動而有聲**孚**孔氏類注曰釋易云繁謂之

也無吡不言之意後設較通**孚**也

炎曰覆車網可造亦為**蠶**也庸用

以掩兔者也**蠶**也

**葛藟** 民窮無所依也

絲絲葛藟在河之漘終遠兄弟謂他人父謂他人父亦莫我顧

絲絲葛藟在河之浹終遠兄弟謂他人母謂他人母亦莫我有

絲絲葛藟在河之漘終遠兄弟謂他人昆謂他人昆亦莫我問

況窮絲不

右葛藟三章章六句此詩不必深解但依樂傳謂世喪民散有  
去其鄉里衆族而流離失所之作斯得之矣若必謂刺平王棄  
其九族則不惟亦字語氣不協卽詩意亦甚索然反無謂也葛  
藟本蔓生必有所依而後附今乃在河之泚與渙與潁無喬木  
高枝以引其條葉雖足自庇本根而本根已失奈之何哉故人  
一去鄉里遠其兄弟則舉目無親誰可因依雖欲謂他人之父  
以爲父而其父反愕然而不之顧卽欲謂他人之母以爲母而  
其母亦怱然而不我親父母且不可以僞託況昆弟乎則更誰  
焉如無聞也民情如此世道可知誰則使之然哉當必有任其  
咎者卽謂平王之棄其九族而民因無九族之親者亦奚不可

**葛藟**

毛氏其曰泚孔氏類達曰潁評氏樂曰岸上面平夷

詩經室叢書

詩經原始卷之五

王

八

三十六種之三

也

**標** 出 濟

七父

目

顧

七

遇

叶

韻

淡

四

母

五

有

同

叶

韻

潯

潯

十一 昆

元

十三

閻

文

十二

通

韻

采葛

懷友也

章句欲清遠成于  
秋佳歸

彼采葛兮

一日不見如三月兮

章一

彼采蕭兮

一日不見如三秋兮

章二

彼采艾兮

一日不見如三歲兮

章三

章三

右采葛三章

章三句此詩明明千古懷友佳章自集傳以為淫

奔者所託遂使天下後世士夫君子皆不敢有寄懷作也不知

此老何以好為刻薄之言若是至小序謂為懼讒尤不足與辨

夫良友情親如同夫婦一朝遠別不勝相思此正交情濃厚處

彼有三月三秋三歲之感也若泛泛相值轉面頓忘或市利相

彼有三月三秋三歲之感也

若泛泛相值轉面頓忘或市利相

若泛泛相值轉面頓忘或市利相

若泛泛相值轉面頓忘或市利相

若泛泛相值轉面頓忘或市利相

若泛泛相值轉面頓忘或市利相

交勢衰即去豈尙能作此語故是詩之在衰朝亦世情之中流砥柱也而可無存乎

**蕭**

扶也孔氏補遺曰李邕曰扶一名蕭陸璣云今人所謂扶蕭者是也郊特牲既奠然後蕭蕭合馨香是蕭所以供祭

**艾**

萬屬爾雅艾水臺注艾蒿姚氏際恒曰或云艾必三年祀也方可治病故言三歲雖詩人之意未必如此然亦巧合

大有思城

**葛**

葛七月月六轉韻

蕭二秋九十一叶韻

**艾**

九歲八通韻

### 大車 征夫歎也

大車檻檻。毳衣如萐。豈不爾思。畏子不敢。  
大車噉噉。毳衣如璫。豈不爾思。畏子不奔。  
一穀則異。室死則同。穴謂予不信。有如皦日。

三章

右大車三章章四句此詩若從序言以爲陳古以刺今則無以

處殺則異室之言蓋夫婦雖有別亦何至異室而分居如從集  
 傳以爲淫奔有所畏則無以釋死則同穴之語蓋男女縱有情  
 誰爲收屍而合葬此皆難以理論也惟姚氏際恒云偽傳說皆  
 以爲周人從軍訛其室家之詩似可通此雖出於偽說而詩意  
 真切詎得以其偽而少之歟周衰世亂征伐不一周人從軍迄  
 無甯歲恐此生永無團聚之期故念其室家而與之訣絕如此  
 然其情亦可慘矣

**大車**

魏氏際恒曰大車牛車

**龜衣**

魏氏際恒曰龜衣毛布衣

**莢**

集傳曰莢始生也

爾指室

**子**

指主者 噉噉重疊之貌孔氏謂連目噉噉行之貌故爲 瑞音門

**赤苗**

謂之瑞玉色如之

**殺生穴**

墳也

**檀**

**檻**

二十莢七十致

**通韻**

**噉**

元

**瑞奔**

同本韻

**室**

家範日知通韻

上中 招賢循隱也

上中有麻。彼留子嗟。彼留子嗟。將其來施施。  
上中有麥。彼留子國。將其來食。  
上中有李。彼留之子。彼留之子。貽我佩

玖。  
三章

右上中三章章四句小序謂思賢毛鄭因之且以子嗟子國爲父子二人惟集傳反其所言以爲婦人望其所與私者之詞殊覺可異子嗟子國既爲父子集傳且從其名矣則一婦人何以私其父子二人耶此真逆理悖言不圖先賢亦爲是論能無慨然惟是序傳亦有所疑子嗟子國既爲人名則之子又何所指故姚氏以爲嗟國皆助辭嗟爲助辭可也國亦可爲助辭乎且



有麻卽望其來施施有麥卽望其來食有李卽望其遺我以佩玦上下文自相呼應猶韓子云盤之土可稼而食之意中間彼留彼留云者乃虛擬之辭耳墜固助辭國卽彼國之國猶言彼留子於其國耶其國不可以久留也何不就我亡中有麻可以續而衣有麥可以種而食並有李可以相賄遺其樂孰甚焉爾亦將有意其來以就食而互相爲禮耶似此訓釋又非思賢乃招賢以共隱耳周衰賢人放廢或越在他邦或尙留本國故互相招集退處亡國以自樂所謂桃花源尙在人間者是也

**集韻**

麻案傳麻穀名子可食皮可積爲布者施善悅之意呂氏祖謙曰孟子曰施施徒外來

**韻略**

麻六噓月施四支叶韻麥十一國十三食月通韻

李

細子月玖叶二十五有叶韻

以上王詩凡十篇

案此冊詩皆亂離後作故其言無以怒而  
又哀思無已則其民之困且斃也可知况  
案猶及西周之盛而系離則但傷及被之餘以致室家相  
棄兄弟不保戊卒怨於前征夫歎於後也其始蓋由朝常  
系亂國是日非君子不樂仕進或遇處下位或遭體上困  
窮延之上無與為國於是小人得進而用事如狡兔爰爰  
無所忌憚故東都一從王綱不復再振國雖未亡而下等  
為侯其與覆亡者相去幾何哉無怪其音之哀以思不止  
怨而怒矣後世杜甫造天寶大亂故其中有無家別垂老  
別哀江頭哀王孫等篇與此先後如出一轍杜作人稱詩  
史而此詩實開其先讀王風  
者能無俯仰慨嘆於其際哉

鄭

案傳鄭已本在西鄭畿內成林之地宣王以封其弟友為  
采地後為幽王司徒而死於犬戎之難是為桓公其子武  
公攝突定平王於東都亦為司徒又得執檜之地乃徙其  
封而施於新邑是為新鄭咸林在今陝西西安府華  
州新鄭即今河南開封府新鄭縣然何以次於王胡氏紹  
昔口鄭初封在圻內風所以次王且同之衰鄭為之也桓  
公時王室多故謀及史伯寄幣於號檜之開以陰謀也成  
大國然新鄭即成泉陽虎宰之分巖險聞天下故春秋

戰爭之多者無如鄭宋鄭初封國在西周圻內地即新  
往亦宿邇東都故親風首殷周三都外即次及於鄭焉

緇衣 美鄭武公好賢也

緇衣之宜兮。敝予又改爲兮。適子之館兮。還予授子之粢兮。  
衣之好兮。敝予又改造兮。適子之館兮。還予授子之粢兮。  
之藉兮。敝予又改作兮。適子之館兮。還予授子之粢兮。

右緇衣三章章四句序傳皆謂國人美武公集傳詩緝悉從之  
無異說惟季氏本以爲美武公好賢之詩姚氏謂爲後說勝前  
賢不然改衣適館授粢此豈臣下施於君上哉無論鄭人不宜  
爲此言卽周人亦不當出此詞其說是矣愚謂改衣授粢非在  
上者之所難特難於適子之館而不憚煩焉耳夫使龍飛鳳翥  
之士日來吾前而吾但爲之改衣授粢而不適其館隆以禮貌

之謂何是徒以衣食餌國士而國士且望望然去尙得謂之好  
賢哉武公則於改衣授粦外而又能折節下交屢適賓館居則  
虛衷以前席出則憑軾而過門履賢以禮不以貌親賢以道尤  
以心賢所以樂爲用而共成輔國宏猷國人好之形諸歌咏寫  
其好賢無倦之心殆將與握髮吐哺後先相映爲萬世美談此  
細衣之詩所由作也卽謂之美武公也亦矣不可惟不宜以改  
衣適館授粦屬之國人耳

**細**

細者三入而成又再染以黑則爲緇又復再染以黑乃

**成細衣**

孔氏緇連旦細衣卽士冠禮所云衣服朝服細帶素紕

細皮弁而服以聽其朝之政也

**館**也

**宜**

宜四爲月本韻館古十四反

**葉十五叶韻好二十造**

日本韻 蕭十一韻 作十叶韻

將仲子 諷世以禮自持也

將仲子兮無踰我里。無折我樹杞。豈敢愛之。畏我父母。仲可懷也。父母之言亦可畏也。  
將仲子兮無踰我牆。無折我樹桑。豈敢愛之。畏我諸兄。仲可懷也。諸兄之言亦可畏也。  
將仲子兮無踰我園。無折我樹檀。豈敢愛之。畏人之多言。仲可懷也。人之多言亦可畏也。  
三章

右將仲子三章章八句序謂刺莊公不聽其母以害其弟祭仲諫而弗聽特以詩中有父母兄弟仲子等字耳集傳從鄭漁仲說以為無與莊公叔段事是矣而又以為淫奔詩亦非蓋女心既有所畏而不從則不得謂之為奔亦不得謂之為淫姚氏知

其然仍不能斷乃曰按此詩言鄭事多不合以爲淫詩則合是  
其議亦尙游移未定耳此詩雖保非采自民間閭巷鄙夫婦相  
愛慕之辭然其義有合於聖賢守身大道故太史錄之以爲涉  
世法夫使人心無所畏則富貴功名孰非可懷而可愛惟能以  
理制其心斯能以禮慎其守故或非義之當前心雖不能無所  
動而惕以人言可畏卽父母兄弟有所不敢欺則慾念頓消而  
天理自在是善於守身法也而謂之爲惡也得乎故左傳子展  
如晉賦此詩而衛侯得歸使其爲本國淫詩豈尙舉以自賦而  
復見許於他國歟此非淫詞斷可知已

**集韻**

**將**

詩

**仲子**

字也

**里**

孔氏

類達曰

地官

遂人云

五家爲

里也

杞

在彼杞

棘梓杞也

集子

苞杞言采

其杞

屬有杞

棘構杞也

檀

在彼杞

棘梓杞也

集韻將仲子字也里孔氏類達曰地官遂人云五家爲里也杞在彼杞棘梓杞也集子苞杞言采其杞屬有杞棘構杞也檀

集傳板皮骨滑澤  
材強韌可爲車

**標韻**

里四杞同

本韻

爰

十一

母

二十五

有

叶韻

懷

九

畏

五

非叶於叶韻

叔于田

刺莊公縱弟田獵自喜也

叔于田巷無居人豈無居人不如叔也洵美且仁  
叔于田巷無服馬豈無服馬不如叔也洵美且武

右叔于田三章章五句小序以爲刺莊公集傳及諸家皆謂無  
刺莊公意其實此詩的刺莊公無疑叔之恃寵而驕多行不義  
誰則使之莊公實使之也詩人不必明斥公非但極力諷刺叔  
之游獵無度則其平日之遠君子而狎伍小人也可知即叔之

駟縱無忌實莊公故縱其惡之意亦可見不然叔以國君介弟  
 之親京城大叔之貴其所好者不應在馳騁弋獵地也其所交  
 者更不宜近飲酒服馬飾也而何以日事田獵至于巷無居人  
 飲酒以及服馬之不足相勝乎曰美且仁美且好美且武者詩  
 人故爲此誇大詞以動莊公使其早爲之備亦如公子呂所云  
 欲與大叔臣請事之若弗與則請除之無生民心之意云耳而  
 謂此不義人真能得衆心歟讀詩者慎勿泥其辭而昧其義焉  
 可也

**桑田**

百虎通義曰四時之田也里塗狩冬獵曰狩莊氏預曰  
 總名爲田爲田除害也也狩狩圍守也冬物畢成

獲則取之服乘也孔氏謂達旦易稱服牛乘馬  
 無所擇也服俱是駕用之義故服馬爲乘馬也

**田**

先一人與十一仁同  
 通獵  
 狩二十酒二十好十九倍叶  
 六有酒五有十好十九倍叶



韻

野

叶二十一馬同反武七叶韻

大叔于田 刺莊公縱弟恃勇而勝衆也

叔于田。乘乘馬。執轡如組。兩騶如舞。叔在薮。火烈具舉。袒褐暴虎。  
獻于公所。將叔無狃。戒其傷女。叔于田。乘乘黃。兩服上襄。兩騶  
鴈行。叔在薮。火烈具揚。叔善射忌。又良御忌。抑磬控忌。抑縱送忌。  
叔于田。乘乘鵠。兩服齊首。兩騶如手。叔在薮。火烈具臬。叔馬慢  
忌。叔發罕。忌抑釋。抑弢忌。抑弓忌。  
中二

右大叔于田三章章十句案此詩與前篇同爲刺莊公縱弟游  
獵之作但前篇虛寫此篇實賦前篇私游此篇從獵而愈矜其  
勇也詩曰袒褐暴虎獻于公所暴虎危事太叔至親而叔以此  
驕其兄則恃勇無君之心已可概見莊公時不惟不怒其無禮

而且勞而慰之曰將叔無狃戒其傷女豈其愛之耶實縱之以  
蹈於危耳詩人窺破此隱故特咏之以爲誅心之論如春秋書  
法微意所在也若謂國人愛之而恐其或傷則好勇不義之人  
人又何愛之有耶至其詞氣之工則姚氏所謂描摹工豔鋪張  
亦復淋漓盡致便爲長楊羽獵之祖庶幾能識作者苦心云

**雨驂**車衛外雨如舞董氏道曰五御之法有舞交衛者蓋

於衛不得如舞也舞澤也孔氏類述曰鄭有圖祖楊孔氏類述曰

其言舞者驂也田北言在燕燕周人也祖楊李巡曰爾

脫衣見體曰肉袒狃習乘黃口周人黃馬格言吉事乘此雨

孫炎曰祖去褊衣狃習乘黃口周人黃馬格言吉事乘此雨

服孔氏類述曰車有一轅而四馬馬之中央疾也馬行行者

少次服後屈抑語助磐控范氏處義曰磐謂使之曲縱送葉傳

和刻義絲似細故葉傳驢白雜毛叶早也慢也發也矢早也  
 名口篇又謂之箭搗劫今所謂鳥驢也  
 翠解也羽葉傳攔矢箭蓋也葉傳它弓囊也與韻同

**馬** 叶二十一馬組七舞同 敵叶二十五白舉六虎七所六狙十二

五有叶女語六叶韻 黃七 爽行揚同本韻 射二十御六獨叶

叶韻 控送同本韻 搗十九餘叶 首二十手數早同本韻

慢 叶韻 早十四早叶 叶韻 搗十弓一東叶叶韻

清人 刺鄭文公棄其師也

清人在彭。駟介旁旁。二矛重英。河上乎翱翔。一清人在消。駟介盛  
 庶。二矛重喬。河上乎逍遙。二清人在軸。駟介陶陶。左旋右抽。中軍  
 作好。  
 章三

右清人三章章四句序本左傳高克棄師奔陳鄭人爲賦此詩

事有明文固勿庸議卽彭消袖或以爲地名或以爲非地名皆不可考惟鄭文公惡高克而使之擁兵在外此召亂之本也幸而師散將逃國得無恙使其反戈相向何以禦之由斯以觀高克亦無能聲耳何以見惡於文公耶詩曰翱翔曰逍遙曰左旋右抽中軍作好所謂溺上諸軍直同兒戲卽使作亂亦易制服詩人固早有以知其必不然也若文公者則不能無所譏焉故刺之

**樂**

情邑驕介四國而旁旁馳驅不二矛舍矛夷矛也舍矛長二丈夷矛長二丈四

尺於建英

以朱制爲矛翎翎逆敵應應武喬弓之上陶陶樂左

旋右抽

策健左謂御在將軍之左執轡而御馬者也旋還車也右謂勇力之士在將軍之右執兵以擊刺者也抽拔刃

也中軍

乘傳中軍謂將在鼓下好容好

通韻 彭七旁 同 英八旁 通韻 消二旁 本韻 軸一

叶音陶 徒候反 抽十一九叶 好二十叶韻

### 羔裘 美鄭大夫也

羔裘如濡。洵直且侯。彼其之子。舍命不渝。一羔裘豹飾。孔武有力。彼其之子。邦之司直。二羔裘晏兮。三英粲兮。彼其之子。邦之彥兮。

三

右羔裘三章章四句序以爲刺朝陳古以風今也辯說謂詩意恐未必然當時鄭之大夫如子皮子產之徒豈無可以當此詩者但今不可考耳愚謂此詩非專美一人必當時盈廷碩彥濟美一時或則順命以持躬或則忠饒而事上或則儒雅以幹朝皆能正己以正人不媿朝服以章身故詩人卽其服飾之盛以

想其德誼經濟文章之美而咏歎之如此曰舍命不渝者君子  
安命雖臨利害而不寢也曰邦之彥兮者學士文采高標足以補  
主持國是而不搖也曰邦之彥兮者學士文采高標足以補  
猷爲而極一時之選也有此數臣國勢雖屏人材實裕故可以  
特立晉楚大國之間而不致敗此鄭之所以爲鄭也不然詩人  
縱極陳古以風今亦何與於當時時務之要歟

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

**美稱**

鴻漢室書

詩經原卷之五

三十六種之三

遵大路 挽君子勿遽行也

遵大路兮。摯執子之祛兮。無我惡兮。不寢故也。一遵大路兮。摯執子之手兮。無我醜兮。不寢好也。二

右遵大路二章章四句此詩當從序言爲正集傳謂淫婦爲人所棄者固非卽姚氏以爲故舊道左言情者亦未是蓋道左而挽留賢士且殷殷動以故舊朋好之心則豈無故而云然哉呂氏祖謙曰武公之朝蓋多君子矣至於莊公尙權謀專武力氣象一變左右前後無非祭仲高渠彌祝聃之徒也君子安得不去乎不寢故也不寢好也詩人豈徒勉君子遲遲其行也感於事而懷其舊者亦深矣此雖無所據而揆時度勢據理言情深得古風人意旨所在不然區區道故常情何煩大聖人之刪而

存哉又曹氏粹中曰申公白生強起穆生曰獨不念先王之德  
歟即此詩欲留君子之意而詩不言念先王但曰無我惡者謂  
媼而意愈深耳嗚乎可以觀世道矣

**保** 摻 也祛祛也孔氏類遠曰祛是祛之速也張氏榮曰

與醜同

**祛** 祛起六魚叶惡遇七故月叶韻 手五十醜 同好許口反叶

韻

女曰鷦鳴 賢婦警夫以成德也

女曰鷦鳴上曰味旦子與視夜明星有爛將翔將翔弋鳬與鴈  
弋言加之與子宜之宜言飲酒與子偕老琴瑟在御莫不靜好  
知子之來之雜佩以贈之知子之順之雜佩以問之知子之好之



雜佩以報之章三

右女曰鷦鳴三章章六句此詩人述賢夫婦相警戒之辭人皆知之矣而序以爲陳古以刺今不知何所見而云然彼其意蓋謂鄭風無美詞耳夫使美者皆述古而惡者皆刺今則變風中無一可取之詩而何以知政治得失耶此詩不惟變風之正直可與關雎葛覃鼎足而三何者關雎新昏葛覃歸甯此則相夫以成內助之賢房中雅樂缺一不備也觀其詞義于興視夜以下皆婦人之詞首章勉夫以勤勞次章宜家以和樂三章則佐夫以親賢樂善而成其德婦人之職於是乎盡而可不謂之爲賢乎不意鄭俗淫哇之際乃有此中正和樂之音堪與關雎葛覃爲配可見天理人心之善未嘗或息於兩間聖人刪詩特標

白雲

也遺  
交貫於  
玉如半  
貫於璃  
而璃而  
下繫於  
兩璃行  
則銜牙  
觸瑛而  
有聲也  
順也問  
下各懸  
一玉兩  
端



贈五十二卷  
贈五十二卷  
贈五十二卷

韻

有女同車 諷鄭太子忽以昏齊也

有女同車。顏如舜華。將翱將翔。佩玉瓊琚。彼美孟姜。洵美且都。  
有女同行。顏如舜英。將翱將翔。佩玉將將。彼美孟姜。德音不忘。  
右有女同車二章章六句小序謂刺忽也衍之者曰忽不昏於齊後以無大國之援而見逐故國人刺之辯說以爲忽之辭昏未爲不正至其失國以勢孤援賜亦未有可刺之罪也故集傳又疑爲淫奔之詩夫曰同車則有御輪之禮曰佩玉則有矩步之飾曰孟姜則本齊族之貴淫奔而越國有若是之威儀盛飾昭彰耳目乎前人駁之固已甚詳且曰德音不忘是豈淫奔之謂又不待辯而自明矣然則此詩謂何曰諷忽以昏齊非刺忽

以不昏齊也曰有辨乎曰有刺忽以昏於齊者從事後論之也  
諷忽以宜昏於齊者事前勸之也事後論忽固是勢孤援弱以  
至失國似不昏於齊者爲忽失計追後文姜淫亂幾覆魯國則  
不昏於齊者又未嘗不爲忽幸事前勸忽則不過爲援助計是  
彼美孟姜者又安知其後之淫亂如是乎故首章言其美且都  
次章言其德音不忘蓋欲諷忽以速娶之耳後世李延年歌於  
漢武帝曰北方有佳人絕世而獨立一顧傾人城再顧傾人國  
豈不矧傾城與傾國佳人難再得亦是此意然忽已辭昏而詩  
仍存者一爲忽惜一爲忽幸而終以忽之辭昏爲有見也而又  
何刺乎

**女同事**

或謂同事爲親迎又謂任嫁之從嫁者皆非無論同事非親迎禮已無害又何從嫁之有此當是

初義昏時齊必盛飾數女以嫁陸氏禮曰齊一名木樓一名忽詩人即所見以咏之而已舜禮氏禮曰舜一名木樓一名蒸五月始華故月孟姜指文姜也同車雖數女而都孔氏頗達令仲夏木樓榮以文姜為主故特著之都且都者美好閑習之言司馬相如上林賦云妖冶閑都

**國風** 車六華六麻反 珞六都七叶韻 行七莢入 翔將姜忘七

陽通韻

山有扶蘇 刺世美非所美也

山有扶蘇。隰有荷蕕。不見子都。乃見狂且。  
 山有橋松。隰有游龍。不見子充。乃見狡童。  
 章

右山有扶蘇二章章四句小序謂刺忽無據大序謂所美非美然庶幾近之然不必定指忽也夫天下妍媸莫辨是非顛倒以至覆家亡國而自殺其身者亦豈渺哉詩人不過泛言流弊舉

以爲戒故藉草木起興以見山之高固有扶蘇亦有橋松隰之  
卑固有荷蕕亦有游龍大小互見美惡難陳要在采之者辨之  
而已子都子充之美與狡童狂且較其妍媸宜若易辨也然有  
時亦見狡童狂且爲美而不見子都子充之美者則何以故是  
非混則妍媸莫辨耳有天下國家責者尤當三復而細咏之此  
亦目前至理勿容穿鑿而附會者序固謬執涉於附會然猶未  
至如集傳直以爲淫女戲其所私者之猥褻不堪也

**扶蘇**

毛傳謂小木非也蓋子都美男子借以爲喻狂惡

**人且**

語橋松集傳上疎無枝游龍屈著子且龍是莊草其幹

**草云**

莊草一名鴻頤如子充董氏適曰子充不見狡童兒也

**馬**

而大即水紅也子充於構疑亦以美著也狡童兒也

**蘇**

七葉六歲反都七且魚叶韻松冬龍同充童同通

韻

擗兮 諷朝臣共扶危也

擗兮擗兮風其吹女叔兮伯兮倡予和女章一擗兮擗兮風其漂女

叔兮伯兮倡予要女章二

右擗兮二章章四句序謂刺忽未始不可然必曰君弱臣強不倡而和則非詩意詩言叔兮伯兮是以倡予者望諸叔伯大夫矣而何以謂之爲忽耶集傳則更以爲淫女之謂天下行淫之女豈有呼叔而又呼伯者且叔伯何所倡而女又何所和言之不徒汚人齒頰詎可以之釋經此詩解者雖多要以嚴氏祭之言爲近曰此小臣有憂國之心呼籲太夫而告之言稿葉風吹不能久矣豈可坐視以爲無與於已而不相與扶持之乎叔伯

諸大夫其亟圖之患無其倡不患無和之者蓋小臣有憂國之  
心而無救君之力大臣有扶危之力而無急難之心當此國是  
日非主憂臣辱之秋而徒爲袖手旁觀者盈廷皆是以故義奮  
忠貞不見諸大臣而激於下位也忽之世權臣專擅國君微弱  
苟一煽動如風吹殘穽何能久存然穽去而附諸穽以爲命者  
亦難自立故不如早爲之備先發以制人也惜乎小臣有是心  
而無是力則不得不呼諸叔伯大夫而告之矣故以是詩而屬  
忽世其亦可矣

**穽**

毛氏萇曰穽穽也孔氏穎達曰七月云十月凱穽傳云  
穽落也然則落葉謂之穽此云穽穽者謂枯穽乃落也

**要**

成也

**吹**

四和叶十一箇叶韻

漂蕭要同本韻



狡童 憂君爲羣小所弄也

彼狡童兮。不與我言兮。維予之故。使我不能餐兮。一彼狡童兮。不與我食兮。維予之故。使我不能息兮。二

右狡童二章章四句序謂刺忽呼君爲狡童者無禮固屬非是  
卽或謂指祭仲則祭仲在當時年已老亦殊不類昔人已辨之  
集傳又謂淫女見絕而戲其人之詞曰悅已者衆子雖見絕未  
至於使我不能餐與息也則不惟未至之義詩無其文卽悅已  
之衆詩亦並無其意不知何以見爲淫女反言以戲其人也大  
抵狡童者僉壬宵小之謂扶蘇章之狡童狂且卽此章之狡童  
也國君所用非人恃寵而驕目無朝臣也久矣言不屑與況同  
食哉大臣憂之而無如何乃私相憤恨曰彼狡童之不與我言

且食也無足爲怪特所慮者君耳吾爲君故至不能餐又不能  
息是寢食俱廢矣向非維君之爲而誰爲哉詩意甚明何至疑  
忽又疑仲而竟至疑爲淫女所私之人耶特是作於何朝何代  
則不可考

**集韻** 息 安

**探韻** 言 元十三 餐 十四 通韻 食 十三 息 同 本韻

褰裳 思見正於益友也

子惠思我褰裳涉溱子不我思豈無他人狂童之狂也且章子惠  
思我褰裳涉洧子不我思豈無他士狂童之狂也且章

右褰裳二章章五句小序曰思見正也而不言其見正之故大  
序遂以忽突爭國事實之曰狂童恣行國人思大國之正已也

於是有以狂童指哭者亦有以狂童指祭仲者集傳則云淫女  
語其所私者皆誤認狂童爲狂且狡童耳童而曰狡則爲狡獪  
小兒也無疑狂僅曰狂則爲醜惡狂人也亦無疑若夫狂童何  
狡之有亦何狂之足慮子在陳曰歸與歸與吾黨之小子狂簡  
不知所以裁之是狂童者後生有才而未知所裁之稱以其不  
知所裁故思所以裁之此名師益友之未可以一日無也詩人  
有望於良友之裁成其子弟也故遺之以詩曰子弟之待正於  
君也久矣子其惠然思我而來臨乎滌海雖深一褰裳可涉渡  
也若其無意則豈無他人之相觀益善乎抑豈無他士之砥礪  
於成乎而無如子弟輩之狂曰見其狂而未知所裁者非子不  
能正其狂也子慎勿辭焉也可自來此詩無是解者愚循文按

義常如是耳不然左傳子大叔之歌是什以餽韓宣子而宣子  
能無怪之耶

**涑**

也 涑 鄭水名水經瀋水出鄭縣西北南入于涑水陸氏  
德明曰說文涑作瀋云瀋水出鄭縣水出桂陽也

涑

亦鄭水名 梁氏益曰地理志云涑水出陽城山  
東南至長平入潁今亦梁之潁川縣也近鄭州

**涑**

十一人 以本韻 涑 四士 同本韻

丰 悔仕進不以禮也

子之丰兮 侯我乎巷兮 悔予不送兮 子之昌兮 侯我乎堂兮 悔

予不將兮 衣錦裝衣裳 錦裝裳 叔兮伯兮 駕予與行 衣錦裝

裳 衣錦裝衣叔兮伯兮 駕予與歸

右丰四章二章章三句二章章四句此詩斷非淫詩也何則以

男之侯女也則至乎堂上矣女之歸男也則與伯叔偕行矣堂

上非行淫地叔伯豈送淫人耶又況車馬禮服具備則更非淫  
奔之際可知以爲女子于歸自咏之詩陸氏則侯巷侯堂歸竟  
歸耳又何不送不將之悔乎是邪正二說均不可通故序云刺  
亂也昏姻之道缺陽倡而陰不和男行而女不隨然詩云鴛鴦  
與行鴛鴦與歸則又何嘗不利不隨耶總之詩意前悔不行後  
被強歸此中必有他故詩既不言事亦難考愚意此必寓言非  
咏昏也世衰道微賢人君子隱處不仕朝廷初或以禮往聘不  
肯速行後被教迫駕車就道不能自主發憤成吟以寫其胸中  
憤懣之氣而又不取顯言賈禍故借昏女爲辭自悔從前不受  
聘禮之慢以致今日而有教促之辱仕進至此亦可矜已不然  
忤禮縱缺亦何害乎侯于堂而女不行耶

**豐**

豐滿貌其昌壯將也亦送  
**昌**  
貌也鄭氏康成曰以釋

得殺焉庶人之妻嫁服也

**送**

二冬叶  
**巷**  
三絳叶  
**送**  
一葉韻  
**昌**  
七堂將同本韻  
**裳**

七行同本韻  
**衣**  
五歸同本韻

東門之墀 有所思而未得見也

東門之墀 茹蕙在阪其室則邇其人甚遠章一東門之栗有踐家室

豈不爾思子不我即章二

右東門之墀二章章四句此篇乍玩似淫詩故自序傳來無不

目為淫矣然有謂女奔男者亦有謂男求女者就首章而觀曰

室邇人遠者男求女之詞也就次章而論日子不我即者女望

男之心也一詩中自為賄答而均未謀面則必非淫者自作可

知古詩人多託男女情以寫君臣朋友義臣之望君堂廡雖近  
天威甚嚴有不可以嚙進者君之責臣則如唐元宗云卿自不  
仕奈何誣我是君又未嘗不有望乎臣也至朋友兩相思念更  
不待言詩中有懷想情而無男女字又安知非朋友自相思念  
乎且室邇人遠頗有高人雅士跡邇市城心出塵表氣象故此  
詩雖不敢遽定為朋友辭亦不敢隨聲附和指為淫詩故但曰  
有所思而未得見之辭云耳然有所思而不得見遂無求見之  
心則雖謂之辭情止義也可而何淫之有哉

**集釋**

埤

集傳埤除地町町者梁氏益曰埤除地去草也封土為埤除地為埤町町言有町畦也

茹蕰

陸氏

茹蕰

菰蔞菰草也海人謂之菰今國人或作畦種蒔食殖傳云苞苦干石亦比千乘之家

阪

郭氏璞曰踐行列阪陀不平

**集釋**

埤

十六

版

十三

連

通韻

栗

室

日

卽

三

通韻

深宵風雨啼曉來  
自不覺情懷曉曉  
未已此何如友  
耶而乃以為然也  
豈不更然

風雨懷友也

風雨淒淒鷄鳴喈喈既見君子云胡不夷  
風雨瀟瀟鷄鳴膠膠  
既見君子云胡不瘳  
風雨如晦鷄鳴不已既見君子云胡不憂

三

右風雨三章章四句此詩自序傳諸家及凡有志學詩者亦莫  
不以爲思君子也獨集傳指爲淫詩則無良甚矣又何辨耶且  
鄭本國賢士大夫互相傳習燕享之會至賦以言志使眞其淫  
似不必待晦翁而始知其爲淫矣獨序以爲風雨喻亂世遂使  
詩味索然不可以不辯夫風雨晦冥獨處無聊此時最易懷人  
况故友良朋一朝聚會則尤可以促膝談心雖有無限愁懷鬱  
結莫解亦皆化盡如險初夷如病初瘳何樂如之此詩人善於



言情又善於即景以抒懷故為千秋絕調也若必以風雨喻亂世則必待亂世而始思君子不遇亂世則不足以見君子義旨非不正大意趣反覺索然故此詩不必定指為忽突世作凡屬懷友皆可以咏則意味無窮矣

**嗒**

**嗒**

說氏原恒曰嗒為東聲和初夷

平也嚴氏案曰毛傳

平受則

**膠**

說氏原恒曰膠膠同聲高大也嚴氏案曰毛傳

轉結也

**膠**

說氏原恒曰膠膠同聲高大也嚴氏案曰毛傳

言積思之病

**如**

說氏原恒曰如如正其明也故曰如如

至此而愈也

**如**

說氏原恒曰如如正其明也故曰如如

此無人領會可與

**已**

止也說氏原恒曰已已也

心賞者如何如何

**已**

後天將變相積不已也

十一

**已**

四喜同叶韻

子矜 傷學校廢也

青青子衿悠悠我心。縱我不往子寧不嗣音。青青子佩悠悠我思。縱我不往子寧不來。紅桃兮連兮。在城關兮。一日不見如三月兮。

右子衿三章章四句序謂刺學校廢也唐宋元明諸儒皆主其說而集傳獨以爲淫詩迨至白鹿洞賦又云廣青衿之疑問仍用序說是是非之心終難昧矣姚氏際恒以爲刺學校無据疑亦思友之詩玩縱我不往之言當是師之于弟子也愚謂序言原未嘗錯特謂刺學校則失詩人語氣此蓋學校久廢不脩學者散處四方或去或留不能復聚如平日之盛故其師傷之而作是詩曰學問之道未可孤陋自安也今學校廢久矣予不能再赴講席而廣教思彼青青子衿者相從有素能無繫予心哉

然予縱不能與諸及門互相助益諸及門尊開行知各有淵源  
甯不思日來吾前以嗣吾德音耶其所以不來者吾知之矣年  
少俳連日事登臨或城或關遊縱自恣則其志荒矣此吾所以  
憂思刻不能忘則雖一日之暫違不啻三月之久別予之心念  
及門也為何如哉

**青青** 純無色乳氏類達曰矜色雖一青而重言青青者古  
人之復言也下言青青子佩謂青組絞耳都人士佩

黃黃謂炎色黃耳深衣云具父母衣純  
以青孤子衣純以素是無父母者用素  
孔氏類達曰矜與稊音  
職同矜是領之別名

**矜** 矜十二心音同本韻  
佩十一反叶  
思四來反叶韻  
達

七  
關六月月通韻

揚之水 關疑

揚之水不流東楚終鮮兄弟維予與女無信人之言人實送女  
揚之水不流東薪終鮮兄弟維予二人無信人之言人實不信  
右揚之水二章章六句此詩終不可解序以爲君子閱忽之無  
忠臣良士終以死亡然詩云終鮮兄弟維予與女是兄弟二人  
自相告誡之辭非言臣與士也且忽兄弟甚多不止二人何以  
云維予與女曹氏曰左莊十四年忽與子儀子亶皆已死而原  
繁謂厲公曰莊公之子猶有八人不得爲鮮然則非閱忽詩明  
矣至集傳則以爲淫女相謂其所私之言其於兄弟字更不可  
通昔人辨之已詳茲不多贅竊意此詩不過兄弟相疑始因說  
間繼乃悔悟不覺愈加親愛遂相勸勉以爲根本之間不可自  
殘譬彼弱水難流東薪兄弟相猜本實先播又況骨肉無多維

予與女何堪再離女豈謂人言可信哉他人雖親難勝骨肉人  
實送女以遂其私而已矣憤無信人之言而致疑於骨肉間也  
語雖尋常義實深遠故聖人存之以爲世之凡爲兄弟者戒若  
必求其人其事以實之則當闕疑以俟知者

**送**

與班同莊氏  
預目送款也

**送**

楚女同本韻 蕭十一人信同本韻

出其東門 不慕非禮色也

出其東門有女如雲雖則如雲匪我思存  
綯衣綯巾聊樂我員章一  
出其閨闈有女如荼雖則如荼匪我思且  
綯衣如蘼聊可與娛章二  
右出其東門二章章六句序謂閨亂也公子互爭兵革不息男  
女相棄民人思保其室家焉然詩方細咏太平遊覽絕無干戈

援攘男奔女竄氣象序言無當於經固已集傳云人見淫奔之  
 女而作此詩是以如雪如茶之女盡屬淫奔亦豈可哉晦翁釋  
 詩隨口而道並未暇思於此可見此詩亦貧士風流自賞不屑  
 屑與人尋芳逐豔一旦出遊睹此繁華不覺有慨於心以為人  
 生自有伉儷雖荆釵布裙自足為樂何必妖嬈豔冶徒亂人心  
 乎故東門一遊女則如雲而又如茶終無一人繫我心懷豈矯  
 情乎色不可以非禮動耳心為色動且出非禮則將無所止詩  
 固知足亦善自防哉

**集**

縞白縞也孔氏類達曰廣雅云縞細縞也戰國策云強弩  
 之餘不能穿縞然則縞是薄縞不桑故色白也縞者

青色之小別青而巾馮氏復京曰案禮記左佩粉帨粉帨即巾  
 微白為父草之色巾也此巾宜為佩巾或以為婦人頭之巾  
 員與云同圍曲城也陳氏飛鵬曰門之外有圍也茶毛氏義

茶也孔氏茶譜曰茶是芽草秀出之葉言英茶者英是白數其語黃池之會白常白秋索甲白羽之知聖之如茶季氏楊曰禮樂志曰類如茶應都曰茶野皆白華也順師古曰管芽也言其色如芽茶之柔也

**標龍門**

文十二雲月存十三印計員大通韻 閏七茶月且六應

日娛社通韻

野有蔓草 朋友相期會也

野有蔓草。零露漙漙。今有美一人。清揚婉婉。今邂逅相遇。適我願兮。

野有蔓草。零露漙漙。有美一人。婉如清揚。邂逅相遇。與子偕臧。

右野有蔓草二章章六句小序曰思遇時也庶幾得之大序又

衍為君之澤不下流民窮於兵革男女失時思不期而會焉則

明明附會說矣迨至集傳則言野田草露之間男女邂逅私相

苟合以適已願愈解愈紛愈不成語然循文按義男女邂逅固

似苟合而與子偕滅又豈苟合者所能言哉況其詩兩見於左  
傳鄭享趙孟而子太叔賦此趙孟以爲受其惠鄭僂轅起而子  
僂又賦此宣子以爲孺子善哉吾有望矣一見於韓詩外傳孔  
子遭程木子於郊傾蓋而語顧子路束帛以贈子路對曰士不  
不中道相見孔子乃詠此詩以曉之是皆取士君子邂逅相遇  
爲義有美云者猶簡兮之稱彼美千旌之咏彼姝云爾若如晦  
翁所言縱不爲鄭卿地獨不爲孔子地乎是知此詩必爲朋友  
期會之詩無疑士固有一見傾心終身莫解片言相投生死不  
渝者此類是也又何必男女相逢始適願哉

**邂逅**

不期而會也

**猗猗**

上十四寒叶

**婉婉**

上十三

**願願**

上十四

**叶韻**

**猗猗**

**猗猗**

**猗猗**

**猗猗**

**猗猗**



韻

溱洧 刺淫也

溱與洧方渙渙兮士與女方秉簡兮女曰觀乎士曰既且且往觀  
乎洧之外洵訏且樂維士與女伊其相謔贈之以勺藥一溱與洧  
瀏其清矣士與女殷其盈矣女曰觀乎士曰既且且往觀乎洧之  
外洵訏且樂維士與女伊其將謔贈之以勺藥二

右溱洧二章章十二句序謂刺亂兵革不息男女相棄淫風大  
行此詩及出其東門正敘鄭俗游覽之盛何云刺亂使兵革不  
息男女相棄豈尚有采蘭贈勺事耶故辯說以爲鄭俗淫亂乃  
其風聲氣習流傳已久不爲兵革不息男女相棄而後然也庶  
幾近之矣然集傳又以爲淫奔者自敘之詞則非姚氏云篇中

士女字甚多非士與女所自作明矣蓋刺淫非淫詩也此詩人  
自敘其國俗如此不必言刺而刺自在想鄭當國全盛時士女  
務為游觀蒔花地多耕稼人少每值風日融和良辰美景競相  
出游以至蘭勺互贈播為美談男女戲謔恬不知羞則其俗流  
蕩而難返也在三百篇中別為一種開後世治遊豔詩之祖聖  
人存之一以見淫詞所自始一以見淫俗有難終殆將以為萬  
世戒不然鄭聲淫為聖王所必放而又何存乎

**蘭勺**

春水盛貌陸氏德明曰漢韓詩作沮說文秉蘭氏

蘭即蘭香草也魏氏際恒曰秉蘭者禮內則佩較蘭男女皆佩容與也秉者身秉之不必定是手持也秉傳以秉蘭為采蘭尤誤蘭生谷中豈生水中乎且手勺藥劉氏瑾曰本草注曰勺中既秉蘭又秉勺以贈亦不合矣勺藥藥香草也亦釋勺藥即今牡丹勺藥魏氏際恒曰藥傳又謂勺藥香草也亦釋勺藥即今牡丹古名勺藥自唐元宗始得木勺藥于宮中因呼牡丹其花香

從葉不香何得混云香草手  
寒後說自所謂木勺藥也  
劉似殷也將相將

**韻譜** 換于十五反 商千五叶韻 乎七且魚通韻 樂十韻藥

同並本韻 清庚入盈 同本韻

### 以上鄭詩凡二十一篇

案鄭風古目為淫今觀之大抵皆君臣朋友師弟夫婦互  
相思慕之詞其類淫詩者僅將仲子及溱洧二篇而已然  
將仲子乃寓言非真情也如使其真亦貞女謝男之詞  
而則刺淫非淫者所自作何得謂為淫耶然則聖育非  
痛意鄭風實淫但經制定淫者汰而美者存故鄭多美詩  
非復昔日之鄭矣其漆洧一篇尚存不刪者以共為鄭實  
錄存之篇末川為戒耳此所謂放鄭聲也宋儒不察凡一  
鄭聲淫一語遂不理會放字凡屬鄭詩悉斥為淫舉凡一  
切君臣朋友師弟夫婦互相思慕之詞無不以桑中濮上  
之例例之遂使一時忠臣賢士義夫烈婦悉含冤負屈於  
數千百載上而使人昭雪之者此豈一時一人之憾愚故  
待為標出再使得罪後儒不敢究誣前聖世之有志風雅  
者當能諒予一片苦心也

詩經原始卷之五終

隴州門人李冲霄校字